

REGIONAL NEWS BULLETIN

HEADLINES (MORNING)

- 1. Serchhip Mat phai zau hrang hrangah Sazu túr hrai beihpui thlâk a ni.
- 2. Kumin September ni 22 atanga GST 2.0 a taka hman a nih hnuah Mizoramah lirthei lei tum an pun rin a ni.
- 3. Prime Minister Narendra Modia chaun chhiah thar GST Bachat Utsav chuan ramchhung thil lei, bungraw siamchhuah leh hna thar siam kawngah Diwali laiin nasa takin ram a ti thang a ti.
- 4. Prime Minister Narendra Modi chuan naktuk Pathianni chawhma dar 11 hian 'Mann Ki Baat' programme a hmang leh dawn.



MASS POISONING

Serchhip Mat phai zau hrang hrangah nimin khan Sazu túr hrai beihpui thlâk a ni.

Hêng Mat phai zau hrang hrangah Thliarpui, Luitedam, Lungbu, Zawlpui, Chawm, Thuh ruk, Zehtet, Tuichar, Lathei, Tui sen, Thinglubul, Chamdurah Agriculture in Sazu hrai beihpui thlâk a ni a. Leilet neitute an mahni zauah theuh lo awmin, an Buhfaiah Sazu tur pawlh a nih hnuah an mahni leilet ah theuh an kalpui nghal a ni.

Serchhip town Jt VC leh Agri deptt tangruala Serchhip Mat phai Sazu túr hrai beihpui thlaknaah hian Dist Agriculture Officer Pu Lalehharliana leh a thawhpuite bakah Serchhip Joint VC hruiute an chairman Pu R.Sanghmingthanga leh a thawhpui an tel a, Sazu túr bur 250 chuang an hmang ral a nia hriat a ni.

(CL Hlua Serchhip PTC)



MANIPAL PRESS MEET

Ramchhunga Cancer enkawlina damdawiin Manipal Hospital Broadway chuan Mizo hmeichhia cancer-Parotid Tumor nei chu hlawhtling takin a zai tih he damdawiin doctor ten an sawi.

Manipal Hospitals Network unit pakhat, Manipal Hospital Broadway chuan nimin khan chanchinbumite kawmin tunhnaiah Pi Lallawmzuali, kum 55 mi chu hlawhtling takin an zai thu an sawi a, Pi Lawmi hian Parotid Tumor neiin hei hi hlawhtling takin Manipal Damdawiinah paih sak a ni a, dam takin an chhauh a ni.

Manipal damdawiina thawk Dr. Kinshuk Chatterjee leh Dr Harsh Dhar chuan Pi Lallawmzuali chu hun rei tak chhung he natna tuar tawh anih avangin zai tura ruahmanna siam kawngah Doctor hrang hrang an inrawn nasa hle an ti a, zai tu mai bakah radiologist, anesthesist leh thiamna nei hrang hrang inrawnin hlawhtling takin an zai a, Pi Lawmi sawi danin a natna avangin a beng leh a nghawng bawrah harsatna nasa tak tawkin a nat thin thu a sawi a, a vung nasa chuan a taksa ah harsatna a thlen tih sawiin hlawhtling taka enkawl ani chu a lawm takzet tih a sawi a ni.

Manipal Hospital Broadway hian ramchhunga damlo natna khirh tak tak lo enkawl tawh thinin heng zingah hian Mizo tam tak enkawl dan an awm tawh a, Cancer natna enkawl kawngah an hmingthan em avangin pan tu pawh an thahnem hle a ni.

Manipal Hospitals hian kum tin damlo maktaduai 7 chuang enkawlin khawpui 19-ah a inzar pharh a, khum 10,500+ awmna damdawiin 38 neiin doctor 7,200 chuang leh thawktu 20,500 chuang an awm mek a, damlo enkawl mai piah lamah he hmun atang hian Nurse thiam tak tak zirchhuak an awm tawh bawk a ni.

Byte: Dr Sourav Datta

EDUCATION MINISTER

School Education Minister Dr Vanlalhlana'n nimin khan Govt Comprehensive Model School a tlawh a, Skills laboratory atana room sak mek chu a hmunah a tlawh.

School Education Minister chuan Govt Comprehensive Model School Zirlaite hmaah thusawiin lehkhha a zir laiin Model school chu an unaua an luh thinna a nih thu te, hetih laia zirtirtuten an enkawl that thu te leh Govt School atang pawhin Minister hial a nih theih thute a sawi. Zirlaite chu an zir chhuah hnuah mi puitling an nih theih nan lehkhha an zir laiin an tum tisang tur te, rilru puthmang dik leh hrisel nei turin a fuih bawk. Model School chuan Laboratory tha tak an neih tur thu te a sawi.

Minister hian thawktute nena an inkawmnaah pawh thusawiin Model School-a Skill Lab an dah tur chu zirlai dangte pawhin an rawn pan tur a nih thu te, Sorkar sikul tihchangtlun an tum thu te sawiin thawktute chu theih tawpa tan la turin a fuih a, classroom-a zirtir mai bakah a piah lamah pawh hun leh tha pe tam tur te, Zirlaite enkawl na kawngah wawi lehkhata zuang thut lova hmasawn hret hret zawnga kal a tul thu te, naupang enrollment tipung zel tur khawpa thawh a ngaih thu te a sawi.

School Education Director Pi Angela Zothanpuui pawhin thusawiin Model School-a Bharat Force ten Skill lab an din dan tur te, tun hmaa Atal Tinkering Lab aia changkang zawk a nih tur thu te, India hmarchhaka a hmasa ber a nih dawn thu te leh School level atan chuan a changkang ber a nih tur thu te, School naupang dangte pawhin an tlawh leh chhim tur a nih thu te a sawi.

Pu C.Lalthanzira SPD pawhin thusawiin sorkarin School-a zirna hmanrua tha tak tak a pekte chu School-ten an hman tangkai a tul thu a sawi a, sorkarin sum tam tak senga hmanraw tha a pek hi zirtirtuten an hman tangkai loh chuan hman loha dah chhiat a ni leh mai thin a, hei hi a pawl hle tih sawiin sorkar hmalakna te hman tangkai a tul thu a sawi bawk.

Govt Comprehensive Model School hi kum 1969-a din a ni a, tun dinhmunah thawktu teaching leh non-teaching 31 an awm a, zirlai Primary atanga High School thlengin 254 an awm a ni. Minister-in Govt Comprehensive Model School a tlawhnaah hian School Education Director Pi Angela Zothanpuui leh Samagra Shiksha SPD Pu C.Lalthanzira ten an tawiawm a ni.

(DIPR)

GST REFORMS

Kumin September ni 22 atanga GST 2.0 a taka hman a nih hnuah Mizoramah lirthei lei tum an pung nia an hriat thu lirthei zuartuten an sawi.

Aksahvani Aizawl zawhna chhangan, G.I.G Motors Finance Manager James Lalbiakzama chuan GST siamthatna chuan lirthei lei tum a ti pung a an hriat thu a sawi a, hetihruah hian sakhaw hrang hrang kutpui hunlai a nih avangin kumtin tun ang hun hi lirthei an hralh chhuah hnem hun lai a ni a, hei vang hian GST 2.0 hman a nih hnuah eng ang takin nge lirthei hralh chhuah zat leh book zat a pun tih a hriat theih rih lova, nakum February chho velah a hriat theih chauh a rin thu a sawi.

G.I.G Motors chhinchhiah danin, GST 2.0 a taka hman tan ni, September ni 22 atanga October ni 23 thleng lirthei 257 an hralh chhuak tawh a, September ni 22 atanga 30 chhung khan lirthei 137 hralh chhuakin, October ni 1 atanga ni 23 thleng khan lirthei 220 an hralh chhuak tawh bawk a ni.

Lungleiah chuan GST dan thar hi dawrkai engemawzat in an zawm a, a hlawhtlin nan State Tax, Lunglei Zone pawhin theihtawp an chhuah a, amaherawhchu dawrkai thenkhat ten GST an ti duh tlat lo chu buaina liantak pakhat a ni tih kan corr an hrih a ni.

Asst. Deputy Commissioner of Taxes, Lunglei Zone Pu Lalzarliana chuan he GST hniam hi mipui vantlangin a hlawkna an tel tur a ni a, Tax pek ngai a lo awm anih pawhin mipui zawk khan an pek tur a ni. Mahse dawrkai te hian anmahni chawi tur emaw an ti a, churang chuan GST Registration an ti duhlo a ni a ti. Dawrlan Wholesaler GST inziaklut lo te chu hriattirna pek an ni tawh a, tax invoice pawimawhzia pawh hrihhrat an ni tawh a ti a, thuawih duhlo zingah dawr lian tak tak 5 chu pawisa chawi tir an ni tawh a ti.

Hetihruah vek hian Ei phung thenkhatah chuan Wholesale atangin thil man a hniam a, MIZOFED dawr te pawhin Hawkins Product-ah chuan an Pressure Cooker man an tihhniam thu an sawi. Damdawi lamah pawh a man tlahniam engemawzah a awm a, Gilead Drugs Store Lunglei chuan Item tamtakah aman a tlahniam tih hetiang hian an sawi.

Corr: Maremi/Thanghmingliana Lunglei PTC)

SAVE TUICHHUAHEN PROJECT

Govt. Kolasib College zirlai leh zirtirtuten Kolasib Tui tlan Tuichhuahen a thianghlim zel theihna tura project an neih Save Tuichhuahen Project pual in 'Hnatlang pui' nimin khan an ko a. Zirlai leh zirtirtu 200 chuang an thawk chhuak.

Tuichhuahen Lui fintu Tui lut bul lengkir atanga College Veng leh Salem Veng luikawr infinna thleng thenfai hna an thawk a. Hnawmhnawk chi hrang hrang- single use plastics leh tawih thei lo bawlhhlawh chi hrang hrang thahnem tak an chhar khawm a ni.

Bawlhhlawh an chhar khawmte hi UD & PA department bawlhhlawh paih motor in dumping ground ah paih a ni.

Govt. College Kolasib Principal Pu Laltanpuia Rengsi chuan, Govt Kolasib College in Save Tuichhuahen Project an kalpui mek chu Kolasib mipui zawng zawng te'n thlawp a, bawhlhawh luikawra paih chuan an tui tlan a ti bawhlhawh a, tun atanga hma an lak loh chuan rei lo teah an tui tlan chu duh khawp lak tur awm lovin a bawlhhlawh ang tih a hlauhawm a ti.

(DIPR)

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Wawiin chawhnu dar 2 leh a chanve-ah Chanchinthar puan leh a ni ang.

<><><>

PM ROZGAR MELA

Prime Minister Narendra Modia chaun chhiah thar GST Bachat Utsav chuan ramchhung thil lei, bungraw siamchhuah leh hna thar siam kawngah Diwali laiin nasa takin ram a ti thang a ti. Nimina Rozgar Mela wawi 17-naah he thu hi sawiin Pu Modia chuan GST siamthat chuan mipuite sum khawl nasa takin a ti pung a ti a. Hna nei lo tan hna thar tam tak a siam bawk a ni a ti.

Puan tawh angina Prime Minister Narendra Modia hian nimin khan Rozgar Mela-ah sawrkar hna hmu thar mi sing 5 leh sang 1 te hnenah appointment letter a hlan. Pu Modia chuan ramchhunga hna tam tak lak chu thalaite tana beiseina pe tu ber a ni tawh a ti a. Rozgar Mela hmang hian sawrkar department leh pawl hrang hrangah thalaite hna pek an ni a ti bawk. Wawiin vek khan PM Modia hian Viksit Bharat Yojana a hawng bawk a. He hmalakna hmang hian ramchhung thalai vaibelchhe 3.5 te hna pek tum a ni

(Newsonair)

<><><>

PM MANN KI BAAT

Prime Minister Narendra Modi chuan Pathianni chawhma dar 11 hian 'Mann Ki Baat’ programme-ah ram chhung leh ram pawn mipuite hnenah thu a sawi leh dawn a, Tun tum ami hi a tum 127-na tur a ni ang.

He programme hi Akashvani leh Doordarshan network pumpui, AIR News website leh Newsonair mobile app-ah te tihchhuah a ni ang a, AIR News, DD News, PMO, leh Information and Broadcasting Ministry-a YouTube channel-ah live-stream a ni bawk ang.

(Newsonair)

<><><>